

周易考異

皇清經解續編卷三百八十二

南菁書

周易攷異一

長洲宋翔鳳于庭著

易

音義虞翻注參同契云字從日下月正從日勿 按參同

契云易謂坎離又云日月爲易說文九篇下云祕書說日月
爲易象陰陽也一曰从勿許君時以緯候爲祕書又稱說說
見鄭志則參同契亦緯候之一篇仲翔注易多用參同契如
納甲法尤爲說易之要義知非淺書但緯書多近鄙別字見後
漢尹如易從日下月亦近鄙之流故許氏取其說而不載从
敏傳

日从月之字知非古文也

夕惕若厲

說文夤敬惕也从夕寅聲易曰夕惕若夤

七篇上

惠棟周易述曰夤敬厲危也俗本脫夤今從古按惠據說文

增黃字是也或謂說文骨部𩚑字下云讀若易曰夕惕若屬此屬上無黃字又黃公紹韵會舉要四支黃字下云說文恭也敬惕也從夕寅聲徐引易夕惕若此引說文以夕惕若爲徐氏所引又無黃字惠所据其譌本歟答曰毛氏汲古閣說文卽用宋本重刻又見宋本小字說文五音韵譜及影宋本說文繫傳其黃字下所引並同其本並出韵會舉要之前引夕惕若黃蓋据孟氏古文易𩚑下所引是施孟梁丘博士所傳之易凡漢人言讀若者必据通行之書使人易曉故𩚑下引博士易也作韵會者見當時易無黃字遂刪之又誤爲徐氏所引此南宋以後之通病也

亢龍有悔

說文引易亢作𡗗

十篇下

按𡗗字古文也今文藉亢

爲之

大人造也 音義造鄭祖早反爲也王肅七到反就也劉歆父子作聚 按漢人不言反切蓋鄭傳古文費氏易作造而後人因鄭爲也之義而作音漢書劉向傳上災異封事云賢人在上位則引其類以聚之於朝易曰飛龍在天大人聚也向雖見古文易而上書所引自据學官本向傳又引易曰拔茅茹曰其彙征吉古文彙字作𦵏知向不据古文易矣聚與造聲之轉也

體仁足以長人 音義京房荀爽董遇本作體信 按孟京荀三家本多同知荀氏古文卽本孟京信字古文作𠂔从言省與仁字形近

利物 音義孟喜京荀陸續作利之 按此可知京出於孟荀

傳費易亦與孟同

聖人作 音義作如字鄭云起也馬融作起

其唯聖人乎 音義王肅作愚人後結始作聖人 按肅本多

私改不足據故不具載又音義言一本作某皆王弼注之別
本非漢學故亦不錄

《 音義《本又作坤坤今字也 按古文易於卦首坤作《

彖象文言之坤字則不作《
如經文于字彖象並作於葆琛先生曰《即

川字古音坤川同類故字可通用或改《爲《字作六斷者
非也

由辯之不早辯也 音義辯如字馬云別也荀作變 按荀作

變者乃荀氏讀正之字故不與諸家古文同

陰疑於陽必戰 音義疑如字荀虞姚信蜀才本作疑 按李

鼎祚集解引孟喜曰陰乃上薄疑似於陽必與陽戰也則孟氏本作疑荀爽讀作疑說文疑字爲冰冰字爲夊隸書出乃有疑字而以冰爲夊荀虞並据隸讀也

爲其嫌於无陽也 音義嫌鄭作嫌荀虞陸董作嫌 按鄭作

嫌者是鄭所讀也云荀虞陸董作嫌嫌字當是嫌字之誤嫌字通嫌嫌於无陽於義尅合集解引孟喜曰陰乃上薄疑似於陽又引九家易曰陰陽合居故曰嫌說文嫌疑也又云嫌不平於心也一曰疑也則嫌嫌音義相通從心當爲正字

趙充國傳始得避嫌之便 古文易上旣作疑下自作嫌 嫌字或小疑之與

慊轉相爲注孟氏古文也荀虞傳古文者也而陰疑於陽荀
虞疑作疑則兩家之改讀也按兩家爲疑當本鄭義鄭既讀
慊爲謙說文謙薄冰也謙與疑義亦相成文選寡婦賦水謙
謙以微疑注引說文謙謙薄冰也蓋冰薄則與水相雜故鄭
注云謙雜也周易音義引鄭本多不備疑之作疑當同荀虞
詩采薇正義引易鄭注曰謙讀如羣公慊之慊古書篆作立
心與水相近讀者失之故作謙謙雜也按當作慊讀如羣公
謙之謙又當作讀者失之故作慊凡書篆作立心者與水相
近故讀古文者誤水爲心作慊漢書地理志汝南郡慎陽注
卽古曰慎字本慎音真後誤
爲慎閼駟云永平五年失
印更刻遂誤以水爲心寫詩疏者互易其字羣公慊者公
羊文十三年傳云羣公虞何注云虞者連新於陳上財令半

相連爾廩與謙聲相近故何鄭本互異穀連新於陳上與薄
冰之在水上似之故亦爲謙若更作從心之謙則義復難通
公羊疏云廩謂全是故穀但在上少有新穀財得相連而已
故謂廩廩者希少之名是以鄭注廩讀如羣公廩是也詳疏
所引卽鄭易注而不作謙者据何以改鄭然希少卽是謙義
廩無希少之義也又按坤上六龍戰于野集解引荀曰消息
之位坤在於亥下有伏乾爲其兼於陽故稱龍也則荀又讀
謙爲兼又孟云疑似於陽則无字當衍

屯

經論 音義論音倫鄭如字謂論撰書禮樂施政事黃穎云
經論匡濟也本亦作綸 按說文無綸字凡經傳中經綸之
字皆當從言作論

乘馬班如 音義班如如字子夏傳云相牽不進兒鄭本作般

按正義引馬融云班班旋不進也是馬亦以爲般旋與鄭本同蓋古文孔氏易正義引舊注輒改字以就小王本不可據爲馬亦作班也又說文十篇上𠩺𠩺𠩺也从馬𠩺聲易曰乘馬𠩺如按此引易未全當作𠩺如𠩺如乘馬般如屯遯古文蓋作𠩺𠩺

卽鹿无虞 音義鹿王肅作麓云山足 按集解引虞注亦作麓虞亦謂爲麓也

君子幾不如舍 音義幾鄭作機云弩牙也

泣血漣如 說文十篇下云漣泣下也从心連聲易曰泣涕漣如

蒙

再三瀆 說文十篇上瀆握持垢也从黑賣聲易曰再三瀆

按凡瀆神瀆貨之瀆皆當從黑作瀆從水之瀆爲川瀆字
經典段藉爲之

以往吝 說文二篇上吝恨惜也从口文聲易曰以往吝又二
篇下遴行難也从辵莽聲易曰以往遴 按說卦坤爲吝嗇
音義吝京作遴知說文引以往遴者出京氏易蓋古文也漢
書多古字如地理志民以貪遴爭訟王莽傳性實遴嗇吝並
作遴說文又引以往吝者乃博士所傳之易今傳荀虞注文
皆作吝無遴者經字雖用古文傳注自爲今字如毛詩周禮
之類並同蓋唐時諸家易微其古文輒以今字改之惟京易
於說卦存此遴字俾學者得考知其出於古文矣或謂易內

往吝往見吝以往吝皆當作遴行難也悔吝之吝作吝恨惜也說文引以往吝意後人所增然屯六三往吝音義馬云恨也則馬以恨惜釋吝矣集解引虞曰吝小疵也則虞以悔吝釋吝矣兩家與說文相爲後先知古文之遴與今字之吝其訓可通說文兩存其讀爾吝隸又作恪方言十云荆汝江湘之郊凡貪而不施或謂之恪恪恨也則貪遴之遴此又作恪知遴吝不別也

苞蒙 音義鄭云苞當作彪彪文也

順以巽也 音義以巽音遜鄭云當作遜

擊蒙 音義擊經歷反王肅云治也馬鄭作繫 按虞注亦作擊馬鄭讀爲繫漢隸擊繫字並可省作設郭仲奇碑廊侍電

般卽擊字夏官校人三阜爲般音義般本又作繫漢書景帝紀農桑般者注般古繫字蓋古文經但作般故諸家所讀不同爾

需
需于沙 音義沙如字鄭作沚 惠棟曰案沚當作沙與沙同說文沙水散石也从水从少水少沙見譚長說沙或作沚从止穆天子傳天子東征南絕沙沚郭璞云沙沚水中有沙者水少沙見故象云需于沙沚或以沚屬下句讀非也翔鳳按惠君辯沚爲沙極當象辭沚在中也荀氏以爲美德優沚虞氏以爲沚和也則諸家並連下讀穆天子傳乃僞書金壇段氏已辯其再拜空首之不合周禮所云沙沚又安足信沚之譌沚傳鄭易者相沿已久陸亦不省故音義先言如字後

言鄭本作止近餘姚盧氏刊經典釋文逕改作止雖合鄭義
實非陸指

致寇至 音義致寇如字鄭王本作戎 按象曰自我致寇敬
慎不敗也集解虞翻曰離爲戎乾爲敬陰消至五遁臣將弑
君四上壯坤故敬慎不敗依虞義則寇亦作戎

訟 窒惕中吉 音義窒馬作啞云讀爲蹟猶止也鄭云啞覺悔
貌 按此則馬鄭同作啞

惠至掇也 音義掇徐都潛反說文云拾取也鄭本作懷陟劣
反憂也

或錫之鞶帶 音義鞶徐云王肅作槃 按徐者東晉徐邈爲
易音者也据此則陸氏亦未能遍見諸家本亦有据舊音襲

之者當時作諸經音輒以某氏所讀卽爲某氏本如論語鄭以齊古讀正五十字其半音義尙著鄭讀其半直以爲鄭本故傳易孟京馬鄭荀虞諸家並古文而本各不同以此或難毛詩周禮多鄭讀而覆校音義不徑以爲鄭本者何故答曰此爲鄭箋鄭注作音故致審如陳風可以樂飢毛傳作樂箋音義則云鄭本作樂若易則音王弼論語音何晏非弼非晏知亦據鄭所讀也遂不細別

終朝三褫之 音義褫徐敕紙反又直是反本又作褫音同王肅云解也鄭本作拖徒可反 按褫虎聲拖它聲古音相近師丈人吉 集解崔憬曰子夏傳作丈人 按周禮夏官序官疏引鄭氏易注云丈之言長音義亦引鄭云能以法度長於

人則鄭王諸家本並作丈人子夏傳爲韓嬰一家之學其本輒與孟京馬鄭荀虞異李鼎祚謂王氏曲解大人爲丈人其於鄭注何不一審也

王三錫命 音義錫星厯反徐音賜鄭本作賜

承天寵也 音義寵如字鄭云光耀也王肅作龍云寵也

田有禽 音義徐本作擒

王用三驅 音義驅徐云鄭作毆 按說文十篇上驅馬馳也

从馬區聲重文毆古文驅从支知作毆者古文易也春秋桓四年正義引鄭此注亦从馬作驅經則古文注用今字

小畜 輿說輻 音義輻音福本亦作輹音服馬云車下縛也鄭

云伏菟 按說文十四篇上輹車軸縛从車復聲易曰輿脫

輶蓋與下有輶縛軸然後得輪之用輶在輿之腹故大壯九四壯于大輿之輶虞注作大車之腹則字亦作腹若三十輶之輶說文謂之輪輶在輪內與輿不接則作輶者是大畜九二輿說輶音義云輶或作輶一云車旁作復音服車下縛也作輶者音福老子所云三十輶其一轂是也釋名云輶似人履又曰伏菟在軸上似之又曰輶伏於軸上大壯九四壯于大輿之輶音義本又作輶按此知輶輶相混者由後人多聞輶罕聞輶小王注易又不詳輶制故錄王易者易輶爲輶其實先儒舊本自皆作輶故馬鄭之注並同說文釋名之訓又春秋僖十五年正義引子夏易傳云輶車下伏兔也易正義於此文下引子夏傳曰輶車劇也夫車劇卽伏兔而易輶爲

輻則非

有字學如 音義學力專反馬云連也子夏傳作戀云思也

按隸釋漢唐公防碑景君碑皆以學爲戀說文無戀字漢書敘傳旣繫學於世教矣亦以學爲戀說文學依也从手緤聲依學卽依戀子夏傳爲駢臂子弓之學非古文故用俗字

月幾望 音義幾徐音祈又音機子夏傳作近

履而不疚 音義疚馬云病也陸本作疾

眇能視 按虞注云眇而視跛而履古能而字通又李氏集解本四能字皆作而

跛能履 音義跛彼我反足跛也依字作破 按作破無義破當爲跛說文十篇下跛蹇也从介皮聲則蹇步之跛與跛異

懋懋終吉 音義懋懋由革反子夏傳云恐懼貌何休注公羊

傳云驚愕也馬本作號號音許逆反云恐懼也說文同廣雅

云懼也 按說文五篇上號履虎尾號號恐懼从虎省聲說

文懋爲誦字重文當以號爲正莊子天地篇將闔茲覩然

驚音義覩音許逆反又生賁反說文無覩字蓋號之別體

視履考祥 音義祥本亦作詳 按宋晁氏引鄭注曰履道之

終考正詳備古詳祥字通大壯上六象辭不詳也虞注曰乾


善爲詳疑古文易皆從言作詳王肅始改祥字以就善義

泰 后以財成天地之道 音義財荀作裁 按漢書律厯志上

后以裁成天地之道注師古曰此泰卦象辭則班氏引易財

亦作裁集解引鄭曰財節也知鄭亦取裁義管子心術篇聖

人因而財之荀子非十二子篇一天下財萬物注並云財同
裁訓古字財裁本通用唯集解引虞曰坤富釋財則不作裁
訓

以其彙征吉 音義彙音胃類也李于鬼反傳氏注云彙古偉
字美也古文作董作寅出也鄭云勤也 按序錄無傳氏
不知何代人以彙爲古偉字似無所據說文九篇下彙蟲似
豪豬从帛胃省聲重文蠋或从虫則从艸从虫者胃皆不省
胃隸皆作胃說文載古文多不備董遇作寅者以隸相近而改讀
也爾雅釋詁寅進也寅寅音同故可通用說文出進也義亦
相成劉向傳云在下位則思與其類俱進故易曰拔茅茹以
其彙征吉改彙爲寅或本於此然向引易自作彙以類解彙

以進解征未嘗改讀也鄭訓為勦者蓋彙彗音近古音胃故

讀彙為彗呂氏音訓謂鄭作彗勤也大誤爾雅釋詁彗勤也說文彗同字鄭義本

此焮經音義十四云彗古文簪簪二形同按彗字古文作簪

無義蓋是簪字與彙字古文作簪者當是一字通用者也

包荒 音義荒本亦作沕音同鄭注禮云穢也說文水廣也又

大也鄭讀為康云虛也 按說文十一篇下沕水廣也从川

亾聲易曰包沕用馮河說文無大訓 据此則古文易正作沕王弼

訓沕為荒穢故加艸作荒說文穢作蕪蕪也从艸歲聲下接荒蕪也从艸荒聲 小王以

前當並作沕集解引虞云荒大川也字仍加艸蓋李氏沿弼

之訛 又按爾雅釋詁濂虛也音義濂字又作𪔐同苦郎反

說文云水之空也說文濂水虛也𪔐飢虛也與音義所引義同文異 方言作𪔐說文無𪔐

字蓋子雲之奇字也亦空也郭云本或作荒荒亦邱墟据此則鄭讀爲

康當依釋詁作濂經典段藉作康

翩翩不富以其鄰 音義篇篇如字子夏傳作翩翩向本同云

輕舉貌古文作偏偏 按經典序錄不言向注於張璠集解

十二卷下注云安定人東晉祕書郎參著作集二十二家解

序云依向秀本則所云向本卽璠所依向秀之本也東漢魏

晉傳易者罕言子夏惟張璠云子夏易傳或駢臂子弓所作

獨知子夏傳所出則向秀之本卽依子夏傳故獨與古文異

也古文作偏偏而音義本作篇篇子夏傳作翩翩三字經典

可以通段故諸家字異而義同集解引虞注云二五變時四

體離飛故翩翩虞用古文亦取翩翩之義

城復于隍

音義隍城塹也子夏作塹姚作滄

按塹字說文

無子夏傳非古文故多俗體

否

疇離祉

音義疇鄭作古畲字

按說文十三篇下疇耕治

之田也从田象耕屈之形重文畲疇或省說文二篇上畲誰也从口畲又聲畲古文疇據此則疇字古文但作畲不加口字

同人

乘其墉

音義墉鄭作庸

按經典墉庸字多通用

大有

大車以載

音義大車王肅剛除反蜀才作輿

按輿在

輪輶之上車爲輿輪之總名漢魏人引易多車輿不同各隨

文以解也

匪其彭

音義彭步郎反子夏作旁干云彭亨驕滿貌王肅云

壯也虞作冠姚云彭旁徐音同 按集解引虞曰匪非也其位冠足冠體行不正四失位折震足故冠變而得正故无咎冠或作彭作旁聲字之誤据此知虞始讀爲冠

明辯哲也

音義哲章舌反王虞作晰同音徐李

徐遷李執

之世反

又作哲字鄭本作遼云讀如明星哲哲陸本作逝虞作折

按史記賈生傳鳳漂漂其高遼索隱音逝字又作楚三蒼音帝郭璞注云古文奇字以爲古文逝則古文易作遼博士易作逝自鄭有明星哲哲之讀至小王以後遂改作哲虞据博上易改古文遼爲逝而讀爲折今傳其注中不著改字之由魏人注經其例不如漢儒之謹如翻奏鄭解尚書遼失云古文象卯字讀當爲柳古柳卯同字而以爲味然鄭君自傳古

文家法而猥肆譏謗知虞氏雖傳孟氏易其改易經字多出後定不可盡據爲孟氏古文也

謙 音義謙子夏作嗛云嗛謙也 按謙嗛段藉

天道虧盈而益謙 音義虧盈馬本作毀盈

地道變盈而流謙 論衡引作變盈而冲謙

鬼神害盈而福謙 音義而福京本作而富 按後漢劉脩傳

動乎險中鬼神富謙

哀多益寡 音義哀蒲侯反鄭荀董蜀才作攄云取也字書作

掊廣雅云掊減 按說文十二篇上攄引取也从手爭聲

反重文抱攄或从包 臣鉉等曰今作薄報切以爲裏裏字非是說文又云掊把也

今鹽官入水取鹽爲掊从手音聲 父溝切則掊亦取義說文無

哀字凡經典哀字皆當作攄或作襄唐石經周易此哀字作
襄詩原隰哀矣執文類聚引作襄玉篇說文繫傳引作攄爾
雅釋詁哀聚也音義哀古字作襄蒲侯反本或作攄小爾雅
廣詁哀多也又哀取也兩哀字並當作襄聚與取義亦相成
說文八篇下裘衣博裾从衣係省聲係古文係傳毛隸書則
爲襄字又爲襄加之襄亦藉爲襄取之襄當以攄爲正蓋古
文易如此故鄭荀並作攄集解引虞曰君子謂三攄取也艮
爲多坤爲寡乾爲物爲施坎爲平謙乾盈益謙故以襄多益
寡稱物平施虞注先言攄取也是作攄與鄭荀同後又云故
以襄多益寡字又作襄此李鼎祚所改鼎祚膚淺易解中多
此類

无不利搗謙 音義搗毀皮反指搗也義與磨同書云右秉白旄以麾是也馬云搗猶離也鄭讀爲宣 按宣當作宜搗从手爲聲爲字占音同訛宜字从多省聲古韵與義協音亦同訛鄭所讀或以形或以聲宣與搗形聲俱不近宜與无不利之義亦合義者宜也利物足以和義

利用侵伐 音義侵王虞作寢 按寢伐猶言寢兵此虞所讀謂征不服者宜先寢兵息戰然以前無不作侵

豫 四時不忒 音義忒他得反鄭云差也京作貸 按月令毋有差貸注云差貸謂失誤有善有惡也音義貸音二又他得反注同据此則京雖作貸而與忒同義賁貸爲忒也

殷薦之上帝 音義殷於勤反馬云盛也說文云作樂之盛稱

殷京作隱薦將電反本又作藥同本或作薦獸名非耳 按
殷隱字可通用詩北風柏舟如有隱憂韓詩作殷憂又北門
憂心殷殷音義殷本又作愆同於巾反又音隱又王逸楚辭
章句引詩作憂心隱隱文選東京賦隱隱鱗鱗薛綜注隱隱
眾多貌蜀都賦邑居隱賑劉淵林注隱盛也則隱亦訓盛京
氏段藉作殷薦字本藉薦艸之薦爲薦進之薦作藥無此字
當由篆文訛寫

介于石 音義介音界纖介古文作𠩺鄭古八反云謂磨𠩺也
馬作𠩺云觸小石聲 按說文十二篇上𠩺刮也从手介聲
古𠩺切 說文無𠩺字古文與鄭易作𠩺傳寫之訛 陸元朗不能
見古文易其
云古文皆據薛虞記如垢下引薛云 馬氏亦古文作𠩺是也
古文作𠩺續下引薛云古文作𠩺

鄭謂磨粉卽刮摩之義與說文拊訓同

盱豫悔 音義盱香于反睢盱也向云睢盱小人之貌王

肅云盱大也鄭云誇也說文云張目也字林火孤反又火于

反于夏作紆京作汙姚作盱云日始出引詩盱日始旦 按

說文七篇上旭日旦出兒从日九聲讀若勛一曰明也臣鉉

等曰九非聲未詳許玉切詩邶風旭日始旦音義旭許玉反

徐又許袁反日始出大昕之時也說文讀若好字林呼老反

按旭字字林翻音爲呼老後翻音爲許玉寫說文者疑呼老

之音遂於旭下讀若好改爲讀若勛說文好字作致爲丑聲

丑與九同部徐鉉不知好字之古音好字古翻音爲呼丑遂不能正勛

字之非讀反謂九非聲而疑之亦已疏矣旭音同好故爾雅

釋訓旭旭躑躑橋也郭注皆小人得志憍蹇之貌邢疏曰旭
旭讀爲好好小雅驕人好好其讀與說文合說文無吁字姚
引詩作吁日始旦者不知何本

由豫 音義由從也鄭云用也馬作猶云猶豫疑也

朋盍簪 音義簪徐側林反子夏傳同疾也鄭云速也埤蒼同
王肅又祖感反古文作貸京作搯馬作臧荀作宗虞作戡戡
叢合也蜀才本依京義從鄭 按子夏傳作簪今易也古文
作貸與簪字形聲相去甚遠古文先師求之不得故鄭京並
依今易或讀爲簪或讀爲搯說文八篇下云旡首笄也从人
匕象簪形重文簪俗先从竹从簪是簪爲當代俗字知鄭之
作簪是依今易而非古文矣說文八篇下又云就簪簪銳意

也从二先按說文以瞽瞍爲銳則瞽亦當訓疾說文五篇上

瞽會也从日𠂔聲詩曰瞽不畏明

七威切

蓋古文易當作瞽寫

者誤爲貸詩民勞憯不畏明校於說文則字又从心段藉通用京易之瞽當從心作憯說文無瞽字也淮南本經云兵莫憯於志而莫邪爲下高誘注憯猶利也墨子明鬼云若此之憯遽是憯有疾速之義故曰利曰銳廣雅釋詁驚疾則瞽字旣通爲瞽又通爲驚並是隸寫按之說文定以瞽字爲古文易也馬作臧與貸形近荀又以聲近讀瞽爲宗虞作戢亦與貸形近集解引虞曰盍合也坤爲盍戢之戈切聚會也坎爲聚坤爲眾眾陰並應故朋盍戢戢舊讀作瞽作宗也詳虞之意知作瞽作宗皆諸家所讀而非其經之舊文則陸氏音義卽

以某家所讀爲某家本者於此可證

上六冥豫 音義冥鄭讀爲鳴

官有渝 音義官有蜀才作館有 按蜀才晚出所傳或有

訛字

位正中也 音義一本作中正 按集解引虞注亦作中正

位當也 音義本或作當位實非也 按李氏集解本作當

位實也其引荀爽注亦同宜從之

觀盥而不薦 音義而不薦王肅本作而不觀薦 按集解引

馬融注云觀盥而不觀薦此馬氏解釋經文盥而不薦之義

王肅就之以增經文肅多憑臆私造不可据也

明罰勅法 音義勅恥力反此俗字也字林作勅鄭云勅

猶理也 按勑非俗字說文十三篇下勑勞也从力來聲

洛代

切則勑是勞來之正字也勑字說文無當作勑

屨校滅趾 音義本作滅止云本亦作趾趾足也 按說文無

趾字說文二篇上云止下基也象草木出有止故以止爲足
据此則作止爲正下賁其趾音義趾一本作止鄭云趾足則
凡訓爲足者皆當作止與說文同

噬乾肺 音義肺緇美反馬云有骨謂之肺鄭云簣也字林云
食食所遺也一曰脯也子夏作脯徐音甫荀董同 按說文

四篇下脯乾肉也从肉甫聲又食食所遺也从肉仕聲易曰

噬乾食

阻史切

重文肺楊雄說食从宀案楊雄所說乃古文也

以古文从宀故鄭讀爲第而云簣也集解引陸續亦作肺荀

据子夏易讀肺爲脯肺脯字相近藝文類聚引尙書大傳酌酒切脯公羊疏引作酌酒切肺肺當作肺篆肺字作𦵏與肝肺之肺作𦵏者相近故肺誤爲肺

賁以明庶政 音義明蜀才本作命

舍車而徒 音義車鄭張本作輿 按張張璠璠集二十二家注其作輿是依鄭本

賁如皤如 音義皤白波反說文云老人貌董音槃云馬作足橫行曰皤鄭陸作皤音煩荀作波 按丁氏杰云音訓云音燭顧亭林易音引釋文云鄭本作皤音燭又引蔡邕賦爲證當從皤字案注云進退未定則爲皤當是然顧所見釋文卽是今本安得作皤音燭乎蓋顧但據音訓以義推之盧召弓

據顧氏以改釋文或未安也翔鳳按說文無蹠字或鄭假燔爲之

東帛茭茭 音義茭茭在干反馬云委積貌薛虞云禮之多也

又音牋黃云猥積貌一云顯見貌子夏傳作殘殘 按茭音

在干反正同殘音蓋古文作茭博士易作殘字亦通用說文

四篇下殘賊也从步茭聲又十二篇下茭賊也从二戈周書

曰茭茭巧言古文易書並作茭而異其讀易茭字在干反今書茭字昨干反

文家以東帛茭茭之茭加步旁漢王君廟門碑束帛有殘今模黏似殘字漢時碑自用今

也文茭茭巧言之茭加言旁故文十二年公羊傳云惟譏譏善

娵言漢書李尋傳云穆公說譏譏之言當時並用今文書也

說文三篇上譌字下引周書曰截截善譌言譏作截娵作譌蓋古文書之異讀也

剝 剝牀以足蔑貞凶 音義蔑莫結反猶削也楚俗有削蔑之言馬云無也鄭云輕慢苟作滅 按象曰剝牀以足以滅下也苟蓋据象辭以正經字宜可從爾

剝牀以膚 音義膚京作簠謂祭器

君子得輿 音義得輿京作德輿董作德車 按集解引虞曰夫乾爲君子爲德坤爲車爲民乾在坤故以德爲車据此知虞本亦作德車

復 朋來无咎 音義朋京作崩

无祗悔 音義祗音支辭也馬同音之是反韓伯祁支反云大也鄭云病也王肅作禔時支反陸云祗安也九家本作致音支 按鄭訓病則祗當讀爲彡致字說文無隸書俗字也

頻復厲 音義頻如字本又作𩇛𩇛眉也鄭作𩇛音同 按說

文十一篇下𩇛水厓人所寶附頻蹙不前而止从頁从涉

水作頻 又𩇛涉水𩇛蹙从頻卑聲据此頻𩇛俱有頻蹙之訓字

可通段

有災眚 音義右 本又作災鄭作裁按說文裁正字也灾或

字也災撞文也

无妄 音義馬鄭王肅皆云妄猶望謂無所希望也 按此則

妄當讀爲望

天命不祐 音義不佑音又鄭云助也本又作祐馬作右謂天

不右行 按說文三篇下右手口相助也从又从口 臣鉉曰今俗別

作佑則右是正字馬鄭古文皆當作右兩義並通也

大畜 音義大畜本又作蓄勅六反義與小畜同

君子以多識 音義識劉作志 按志字說文無當作識所云

劉者是劉表而非向歆也

九二輿說輶 音義輶音復又音福蜀才本同或作輻一云車旁作复音服車下縛也作畱者音福老子三十輻共一轂是也 按此載一說足證輶之不可作輻已詳於前矣

良馬逐 音義逐如字鄭本作逐逐云兩馬走也姚云逐逐疾並驅之貌一音胄

日閑輿衛 音義曰音越劉云曰猶言也鄭人實反云日習車徒 按虞注離爲日義亦同鄭

童牛之牯 音義牯古毒反劉云牯之言角也陸云牯當作角

九家作告說文同 按說文二篇上牛觸人角著橫木所以告人也从口从牛易曰僮牛之告据此知告是正字

積豕之牙 音義牙鄭讀爲互 按古牙音同互

頤 觀我朵頤 音義朵動也鄭同京作揣 按廣韵上聲三十

四果揣搖也 丁果反 則揣有朵音廣雅釋訓揣抗搖捎也亦同

搖動之訓則揣是正字朵揣段藉字又京作揣疑揣字之訛

顙頤拂經 音義拂符弗反違也薛同一音敷弗反子夏傳作

弗云輔弼也 按廣雅釋詁拂輔也荀子臣道篇功伐足以

成國之大利謂之拂楊倞注拂讀爲弼則拂本有輔弼之訓

子夏傳拂作弗者段藉字

其欲逐逐 音義逐逐如字敦實也薛云速也子夏傳作攸攸

志林云攸當爲逐蘇林音迪荀作悠悠劉作筵云遠也說文
筵音式六反 按漢書敘傳下六世耽耽其欲澹澹注師古
曰易頤卦六四爻辭曰虎視眈眈其欲澹澹眈眈威視之貌
澹澹欲利之貌眈眈音丁合反澹音滌今易澹字作逐顏注謂
今易澹作逐指當時所行之易也其上引爻辭及音當是服
虔應劭諸家之舊注蓋古音攸聲逐聲同部故可通用

大過 枯楊生稊 音義枯楊如字鄭音姑謂無姑山榆榆羊朱

反 按鄭音卽是鄭讀鄭無音但有讀若讀爲其言音 稊徒稽
反及反語並是李軌等作易音者爲之他經皆然

反楊之秀也鄭作莢莢木更生音夷謂山榆之實

習坎 音義坎本亦作埒京劉作欲險也陷也

水洊至 音義洊在薦反徐在悶反舊又才本反爾雅云再也

劉云仍舊京作臻千作荐

險且枕 音義險且如字古文及鄭向本作檢鄭云木在手曰檢枕徐針鳩反王肅針甚反鄭云木在首曰枕陸云閑礙險害之貌九家作玷古文作沈沈直林反

納約自牖 音義牖陸作誘

祇既平 音義祇音支又祁支反鄭云當爲坻小丘也京作禔說文同 按說文一篇上禔安福也从示是聲易曰禔既平真于叢棘 音義真置也劉作示言眾議於九棘之下也子夏傳作澼澼作寔寔置也張作置

離 百穀草木麗乎土 音義麗說文作麗土王肅本作地 按說文一篇下麗艸木相附麗土而生从艸麗聲易曰百穀草

木麗於地陸元朗所見說文已作麗字知非譌本金壇段氏
据類篇及舊鈔小徐繫傳以說文引易作麗爲譌寫者余未
敢信又按土字王肅本作地與說文同肅本尙是馬鄭舊易
日昃之離 音義日吳王嗣宗本作仄音同 按說文七篇上
厠日在西方時側也从日仄聲易曰日厠之離鉉曰今俗別
作吳非是

不鼓缶而歌 音義鼓鄭本作擊

則大耋之嗟凶 音義耋京作經蜀才作唾之嗟如字王肅又
遭哥反荀作差下嗟若亦爾凶古文及鄭無凶字

出涕沱若 音義沱荀作池一本作施設古文若皆如此 按
通志經義釋文本設字仍作若今据宋本改三代彝器文

若皆作歲

威嗟若 音義威子夏傳作威威子六反吞厭也 按說文無

威字

離王公也 音義離音麗鄭作麗王肅云麗王者之後爲公

王用出征以正邦也 音義王肅本此下更有獲匪其醜大有

功也

皇清經解續編卷三百八十二終

仁和葉維鈺校
金海孫瑛校

皇清經解續編卷三百八十三

南菁書院

周易攷異二

長洲宋翔鳳于庭著

咸其拇 音義拇茂后反馬鄭薛云足大指也子夏作跗荀

作母云陰位之尊 按下經始咸皆近取諸身初爲足故馬

鄭解拇爲足大指然拇从手爲將指子夏从足作跗說文無

跗字當借母字爲之李氏集解本作母引虞注曰母足大指

也艮爲指坤爲母故咸其母跗之作母猶趾之作止也

咸其腓 音義腓房非反鄭云腓腸也腓音帝衡反王虞云腓

腓腸也荀作肥云謂五也尊盛故稱肥 按說文四篇下腓

脛腓也腓腓腸也此謂足脛脛之後多肉者似有腸故謂之

腓腸猶今俗所謂腿肚

二字皆俗

腓與肥通用荀作肥本同訓荀

不取諸身故於母於肥皆與鄭虞異

憧憧往來 音義憧憧昌容反馬云行貌王肅云往來不絕貌

徐又音童又音鍾京作憧字林云憧遲也丈豕反 按說文
十篇下憧遲也从心重聲

咸其輔頰舌 音義輔如字馬云上頤也虞作輔云耳目之間

頰兼叶反孟作俠 按說文十四篇上輔人頰車也集韻輔

或作輔說文九篇上輔頰也頰面旁也則輔與輔同訓字亦

通用頰爲上頤其位在耳目之間虞之作輔義與馬同集解

引虞曰耳目之間稱輔頰 不作輔者知虞以輔頰在耳目之

間也頰孟作俠者音訓並近段藉字也

滕口說也 音義滕徒登反達也九家作乘虞作滕鄭云送也

按集解引虞注曰滕送也此李氏改虞注以就王弼易當
据音義正之虞氏當本鄭讀正義曰舊說云滕徒登反滕競
與也所競者口無復心實鄭云字作滕滕送也咸道極薄徒
送口舌言語相感而已不復有志於其間据正義所引知古
文易自作滕鄭始讀滕矣

恆 音義浚深也鄭作濬

或承之羞 音義或承鄭本作咸承

振恆凶 音義振之刃反馬云動也鄭云搖落也張作震 按
集解引虞注作震恆知虞亦作震惠定宇曰古文震振祇三
字同物同音祇有書音故說文引易作楷恆也

遯 音義遯字又作遂又作遁同 按說文無遯字疑是古文

有疾憊也 音義憊鄭云困也王肅作斃荀作憊 按說文無

憊字當作憊或作痛荀作憊疑憊字之訛

肥遯无不利 文選思元賦注引淮南九師訓曰遯而能肥吉

孰大焉後漢張衡傳注引作遯而能飛

大壯羸其角 音義羸馬云大索也王肅作縲音縲鄭虞作縲

蜀才作累張作縲 按說文十三篇上縲大索也則馬亦同

鄭作縲說文無縲累字並俗字也

累依說文作縲

壯于大輿之輶 音義大輿異字音餘之輶音福本又作輻 按

虞注作壯于大車之腹

喪羊于易 音義于易以歧反鄭音易謂佼易也陸作場謂壇

場也 按經傳置場之場多通作易

不詳也 音義不詳鄭王肅作祥善也 按虞注乾善爲詳左

氏成十六年傳德刑詳義禮信正義詳祥也古字同

晉 音義晉彖云進也孟作齊子西反義同 按公羊春秋昭

十年晉欒施來奔左氏作齊欒施易孟氏春秋左氏皆古文

用錫馬蕃庶 音義庶鄭止奢反謂蕃遮禽也 按遮庶聲故

鄭讀庶爲遮

晝日三接 音義接鄭音捷勝也 按此亦鄭讀

罔孚裕无咎 說文引罔孚作有孚

晉如鼫鼠 音義鼫子夏傳作碩

失得勿恤 音義失孟馬虞鄭王肅本作矢馬王云離爲矢虞

云矢古誓字 按集解本作矢引荀爽曰五從坤動而來爲

明夷

離離者射也故曰矢得據此則漢魏易皆作矢王弼乃改失

文王以之 音義王肅云唯文王能用之鄭荀向作似之

下亦然 按古以似通用

夷于左股 音義夷于如字子夏作睇鄭陸同云旁視曰睇京

作睇左股音古馬王肅作般云旋也日隨天左旋也姚作右

槃云自辰右旋入丑

按禮記內則睇視鄭注睇傾視也易

曰明夷睇于左股正義曰明夷睇于左股者明夷六二爻辭

彼注云旁視爲睇六二辰在酉酉是西方又下體離離爲日

九三體在震震東方九三又在辰辰得巽氣爲股此謂六二

有明德欲承九三故曰睇于左股按京作睇卽睇之別體

文

無睇

集解引九家易作夷于左股訓夷爲傷當是今文易股

與般形近故馬讀作般而云日隨天左旋集解引鄭曰夷傷

也

此釋明夷之夷

日出地上其明乃光至其入地明則傷矣故謂之

明夷鄭以晉與明夷皆以日言

離為日

馬亦以日言但孫家皆

言二十八宿從東而左行

謂天度

日從西而右行此日不及天

言其退度其理則日自隨天左旋也姚作右繫當由肥改

用拯馬壯吉

音義用拯說文云舉也鄭云承也子夏作拊字

林云拊上舉音承

按說文十二篇上拊上舉也从手升聲

易曰拊馬壯吉

蒸上聲

重文澄拊或从登鉉曰今俗別作拯非

是据此則拊是古文拯是俗體鄭本當不作拯也

明夷于南守

音義本作南狩本亦作守同

按古守狩通用

說文十篇上狩犬田也从犬守聲易曰明夷于南狩則作狩

者古文也

箕子之明夷 音義蜀才箕作其劉向云今易箕子作莠滋鄭

湛云訓箕爲莠詁子爲滋漫衍無經不可致詁以譏荀爽

按明夷六五箕子之明夷作箕子者博士施孟梁丘所傳之

易也蓋博士授易但以章句循誦不能窮陰陽之變惟孟氏

別爲古文以傳梁焦延壽蜀趙賓

儒林傳言上聞喜改師漢法遂不用喜此其切證

書儒林傳趙賓以爲箕子之明夷陰陽氣亡箕子箕子者萬

物方莠茲也蜀才箕作其當是孟氏所傳之古文劉向云今

易箕子作莠滋蓋古文易作其子傳古文者讀爲莠茲向自

据中古文不獨趙賓也向所云今易謂今所出古文之易猶

康成以古文書爲今尙書自晉以後古文盛行始以博士所

傳爲今文易今文書漢時不爾也賓云陰陽氣亡箕子者指說卦傳乾爲天之類如荀九家虞仲翔所補之逸象皆本於陰陽氣也集解引馬注箕子德可以王故以當五仍用博士易以讀古文惠定宇曰蜀才從古文作其子其古音亥故讀爲亥亦作其荀爽依劉向讀箕子爲茲滋古文其子其與亥子與茲字異而音義同淮南子燹其燧火高誘云箕音該備之該該與茲同物故三統術曰該闕於亥孳萌於子是也五本坤也坤終於亥乾出於子用晦而明明不可息故曰其子之明夷明夷反晉晉晝也明夷晦也以十二辰言之七日來復則當子以十日言之自晦復明則當旦故昭五年左傳卜楚丘論此卦以明夷當旦亦此義

家人 家人嗃嗃 音義嗃嗃呼落反又呼學反馬云悅樂自得

貌鄭云苦熱之意荀作確確劉作熇熇 按說文無嗃確字

鄭云苦熱則从火作熇爲正

婦子嘻嘻 音義嘻嘻喜悲反馬云笑聲鄭云驕佚喜笑之意

張作嬉嬉陸作喜喜 按說文無嘻嘻字當以喜爲正字讀

當爲熙

睽 其牛掣 音義掣昌逝反鄭作𦍋云牛角皆踊曰𦍋徐市制

反說文作𦍋之世反云角一俯一仰子夏作𦍋傳云一角仰

也荀作𦍋劉本從說文解依鄭 按說文四篇下𦍋一角仰

也从角切聲易曰其牛𦍋又𦍋角一俛一仰也从角奇聲

與音

義所引異 說文無掣𦍋字鄭本或傳寫之誤

其人天且劓 音義劓截鼻也王肅作𠂔 按說文四篇下劓
刑鼻也从刀臬聲易曰天且劓重文劓臬或从鼻王肅作𠂔
疑劓之誤

先張之弧後說之弧 音義後說之弧本亦作壺京馬鄭王肅
翟子元作壺 按虞注亦作後說之壺

以正邦也 音義正邦荀陸本作正國爲漢朝諱

宜待也 音義宜待也張本作宜時也鄭本作宜待時也

解百果草木皆甲坼 音義坼勅宅反說文云裂也廣雅云分

也馬陸作宅云根也 按文選蜀都賦百果甲宅注周易曰

百果草木皆甲坼 當作宅鄭元曰木實曰果皆讀如人倦之解

解謂拆呼 當作坼皮曰甲根曰宅宅居也呼 當作坼火亞切据此

則鄭亦作宅

赦過宥罪 音義宥音又京作尤

解而拇 音義拇茂后反陸云足大指王肅云手大指荀作母

損

二簋可用亨 音義二簋蜀才作軌用亨香兩反下同蜀才

許庚反 按簋軌同音又簋字古文作𠂔从軌則形亦相近

蜀才既讀爲涂軌之軌則亨爲亨通之亨矣

懲忿窒欲 音義本懲作徵直升反止也鄭云猶清也劉作激

云清也蜀才作澄窒珍栗反徐得悉反鄭劉作憤憤止也孟

作怪陸作皆欲如字孟作浴 按澄是激之俗體說文無憤

怪字蓋是隸書欲作浴音同段藉

已事遄往 音義已事音以本亦作以成作祀遄帝專反速也

荀作顙 按說文二篇下邁往來數也从走耑聲易曰曰事邁往又說文以作吕从反巳今篆文作巳者誤巳午之巳不已之巳吕用之吕古音皆與祀同集解引虞注曰祀舊作巳知作祀是虞讀也邁作顙者音近段藉

自上祐也 音義祐本又作佑

益 告公用圭 音義用圭王肅作用桓圭

偏辭也 音義偏辭音篇孟作徧云周币也 按集解本作徧引虞曰徧周布也此用孟義

夫 壯于前趾 音義趾荀作止

惕號 音義惕荀翟作錫云賜也

壯于頄 音義頄求龜反顙也又音求又上倫反翟云面顙夾

問母也鄭作頰頰夾面也王肅音龜江氏音琴威反蜀才作

仇

按說文九篇上頰權也从頁并聲

力追切

說文無頰頰字

則鄭作頰是也并聲九聲同部故蜀才段藉作仇

其行次且

音義次本亦作越或作跲說文及鄭作越同七私

反馬云卻行不前也說文倉卒也下卦放此且本亦作越或

作跲同七餘反

按集解引虞注亦作越越說文二篇上越

起行不進也越倉卒也从足作跲跲者俗字音義引馬云次

卻行不前也且語助也則作次且者爲馬本

牽羊悔亡

音義牽子夏作擊

按牽擊音同段藉

莧陸夫夫

音義莧閑辯反三家音胡練反一本作莞華板反

陸如字馬鄭云莧陸商陸也宋衷云莧莧菜也陸當陸也虞

云覓說也陸和也

通志堂本音義作覓黃也陸商也此据宋本與集解引虞注同

蜀才作睦

親也通也

按集解引虞曰覓說也覓讀夫子覓爾而笑之

覓陸和睦也震爲笑言五得正位兌爲說故覓陸夬夬大壯

震爲行五在中上中動而得正故中行无咎舊讀言覓陸字

之誤也馬君荀氏皆從俗言覓陸非也据此則音義所謂一

本作莞卽虞讀也陸氏論語音義云覓爾華版反本今作莞

則覓莞字可通用漢碑和睦多作和陸則睦陸字亦通用

妬

音義妬薛云古文作遘鄭同

按說文無妬字當以遘爲

正

后以施命誥四方

音義誥鄭作詰起一反止也王肅同

繫于金柅

音義柅徐乃履反又女紀反廣雅云止也說文作

榆云絡絲跌也讀若昵字林音乃米反王肅作昵從手子夏

作鐺蜀才作尼止也按說文六篇上櫛絡絲櫛从木爾聲

讀若昵

奴禮切

與陸所引小異昵與櫛可通用昵鐺皆俗字

羸豕踣蹢

音義蹢一本作蹢古文作蹢蹢本亦作蹢蹢蹢

不靜也古文作蹢按蹢字篆作足旁啻隸作足旁商本一

字形異說文無蹢字其載古文或不備蹢蹢字皆俗

包有魚音義包本作庖同白交反下同鄭百交反虞云白茅

包之荀作胞按集解引虞曰巽爲白茅在中稱包詩曰白

茅包之又曰或以包爲庖厨也虞云或者不知何本

以杞包瓜音義包白交反子夏作苞馬鄭百交反按正義

曰子夏傳曰作杞匏瓜薛虞記云杞杞柳也杞性柔刃宜屈

撓似匏瓜據此則子夏不作苞音義當有誤

萃亨王假有廟 音義亨王肅本同馬鄭陸虞本並無此字

聚以正也 音義聚以正荀作取以正

君子以除戎器 音義除本亦作儲又作治王肅姚陸云除猶

脩治師同鄭云除去也蜀才云除去戎器脩行文德也荀作

慮 按荀作慮爲圖謀之義

一握爲笑 音義握傅氏作遲鄭云握當讀爲夫三爲屋之屋

蜀才同

孚乃利用禴 音義禴蜀才作躍劉作爓 按說文一篇上禴

夏祭也从示勺聲廣韵十八藥禴祭名又禴上同則禴卽禴

說文無禴字當以禴爲正

齋咨涕洟 按李氏集解本作齋資注引虞翻曰齋持資賻也
與馬鄭王本異

升 音義升鄭本作昇 按昇俗字鄭本疑有誤

君子以順德 音義以順德如字王肅同本又作慎師同姚本
德作得

積小以高大 音義以高大本或作以成高大 按集解本作
以成高大其引虞注亦有成字七經孟子考文引古本足利
本並有成字

允升大吉 說文十篇下統進也从本从中允聲易曰統升大
吉 按宋朱震漢上易傳引施曄曰統進也施易久亡蓋以
說文傳會耳

困

剛揜也 音義剛揜本又作掩虞作舛 按集解本揜作舛

引荀注亦作舛

來徐徐困于金車 音義徐徐疑懼貌馬云安行貌子夏作茶

茶翟同茶音圖云內不定之意王肅作余余金車一本作金與

九五剿剛 音義荀王肅本剿剛作貌貌云不安貌陸同鄭云

剿剛當爲倪仇京作剿創說文創斷也 按鄭云倪仇當是

隍阬之誤說文十四篇下隍危也从自从毀省班固說不安也周書曰邦之隍隍

于貌貌 音義貌五結反王肅妍詰反說文作剿牛列反薛同

貌五骨反又音月說文作剿云不安也薛又作机字同 按

說文六篇下𦵏𦵏不安也从出臬聲易曰𦵏𦵏

力結切

又按

考工記匠人置𦵏以縣鄭注𦵏古文臬假借字說文引易正是古文而說文無𦵏字蓋在逸篇中也又說文檮杌作檮杌則薛之作机當是杌字與𦵏音同段藉

井

羸其瓶

音義羸蜀才作累鄭讀曰羸

井谷射鮒

音義射鄭王肅皆音亦云厥也荀作耶

按作耶

無義疑有誤

甕敝漏

音義本甕作雍

盧刻本

屋送反李於鍾反鄭作甕公停

水器也說文作甕汲餅也

井收勿幕

音義收荀作蟄干本勿作网

革

水火相息

音義息說文作熄

其文蔚也 說文九篇上斐分別文也从文非聲易曰君子豹
變其文斐也

鼎 亨飪也 音義亨本又作高同普庚反煮也飪入甚反熟也

按說文三篇下軌食飪也从尹辜聲易曰孰飪

殊六切

君子以正位凝命 音義凝鄭云成也翟作擬云度也 按鄭

虞諸家俱作疑惟翟元作擬不可從

其形渥 音義形渥於角反沾也鄭作劓音屋 按漢高彪碑

形不妄濫刑作形知古字通用說文無劓字當通作屋周禮

司烜氏若屋誅注鄭司農云屋誅謂夷三族元謂屋讀如其

刑劓之劓

鄭引易形
正作刑

劓誅謂所殺不於市而以適甸師氏者

也漢書敘傳彫落洪支誅劓鼎臣注服虔曰彫落洪支誅退

王氏也底致也周禮有屋誅誅大臣於屋下不露也易曰鼎折足其形渥凶謂誅朱博王嘉之屬也師古曰刷者厚刑謂重誅也音握服言屋下失其義潛夫論三式篇易曰鼎折足覆公餗其形渥凶此言三公不勝任則有渥刑也亦訓形爲刑

震 震來虩虩 音義虩虩馬云恐懼貌鄭同荀作愬愬

億喪貝躋于九陵 音義億本又作噫同於其反辭也六五同鄭於力反云十萬曰億喪息浪反荀如字貝荀音敗躋本又作濟子西反升也 按廣韵躋與躋同說文無躋字蓋隸書有之

震遂泥 音義遂泥乃計反荀本違作隊泥音乃低反 按集

解引虞曰坤土得雨爲泥位在坎中故遂泥也則虞亦解泥爲泥涂之泥是遂亦當作隊

艮初六艮其趾 音義趾荀作止

艮其腓 音義腓本又作肥義與咸卦同

不拯其隨 音義本不拯作不承音拯救之拯馬云舉也 按

說文十二篇上承奉也受也與拊拯之訓上舉之義同作不

承者當是馬鄭本列子黃帝篇使弟子並流而承之殷敬順釋文云承音拯方言出溺爲承

列其夤 音義夤引真反馬云夾脊肉也鄭本作臙徐又音允

荀作腎云互體有坎坎爲腎 按說文無臙字作夤者段藉

字鄭作臙以隸讀之

厲薰心 音義薰許云反荀作動云互體有震震爲動 按集

解虞曰艮爲闔闔守門人坎盜動門故屬闔心古闔作熏馬
因言熏灼其心未聞易道以坎水熏灼人也荀氏以熏爲動
或作動皆非也又按漢書百官公卿表光祿勳注如淳曰胡
公胡廣曰動之言闔也闔者古主門官也光祿主宮門則薰心
之薰或作動故荀讀爲動

言有序 集解本及引虞注序並作孚

漸居賢德善俗 音義善俗王肅本作善風俗

婦孕不育 音義孕荀作乘

利禦寇 史徵周易口訣義作利用禦寇集解引虞注亦有用
字

歸妹歸妹以須 音義須待也鄭云有才智之稱荀陸作媼陸

云妾也 按說文十二篇下嬌弱也一日下妻也从女需聲
又按須或作嬰說文引買侍中說楚人謂姊爲嬰嬰與姊相
對

月幾望 音義幾音機又音祈苟作既

女承筐 音義承筐鄭作匡 按筐匡同字

豐 日中則吳 音義吳孟作稷 按公羊定十五年經日下吳

左氏 穀梁作日下稷又蓬郁閣頌劬勞日稷吳稷字通用

遇其配主 音義配鄭作妃云嘉耦曰妃

雖旬無咎 音義旬均也苟作均劉昫作鈞 按鄭虞並解旬

爲十日小王解旬爲均蓋同苟讀

豐其蔀日中見斗 音義蔀馬云蔀小也鄭薛作菩云小席見

斗孟作見主 按說文無部字蓋段善爲之斗主古音同

豐其沛

音義沛本或作旆謂幡幔也

王輔嗣說

子夏作沛傳云小

也鄭干作沛

今本作韋此據宋本

云祭祀之蔽膝

按子夏作沛者爲

蔽沛之沛韓詩作蔽沛說文無沛字漢張遷碑有蔽沛棠樹

則沛沛俱可段藉鄭于作沛沛當是市字之誤說文七篇下

市釋也重文敍篆文从韋从攴則市爲敍之古文與沛字从

水市聲之木異

此木篆作此普活切

但形相近耳

日中見昧

音義昧字林作昧亡太反云斗杓後星王肅云音

妹鄭作昧服虔云日中而昏也子夏傳云昧星之小者馬同

薛云輔星也

折其右肱

音義肱姚作股

豐其屋 音義豐其屋說文作𡩋云大屋也 按說文七篇下
𡩋大屋也从一豐聲易曰𡩋其屋

闕其無人 音義闕馬鄭云無人貌字林云靜也姚作闕孟作
室並通 按說文無闕字徐鉉以爲卽臭字亦無闕字其與
室通未詳

天際翔也 音義際鄭云當爲療病也翔鄭王肅作祥
自藏也 音義藏眾家作戕馬王肅云殘也鄭云傷也 按眾
家者謂王弼以外諸家也

旅得其資斧 音義資斧子夏傳及眾家並作齊斧張軌云齊
斧蓋黃鉞斧也張晏云整齊也應劭云齊利也虞喜志林云
齊當作齋齋戒入廟而受斧下卦同 按陸氏以子夏爲卜

氏爲說易之最初故舉子夏以冠眾家則自小王以外無不作齊斧矣漢書敘傳終用齊斧注張晏曰齊斧越斧也以整齊天下也又按蔡邕集太尉橋公碑爰將度遠亦由齊斧文選陳孔璋檄吳將校部曲云要領不足以齊齊斧晉書樂志乃整元戎以齊齊斧則古人多用齊斧集解引虞曰離爲資斧說卦離爲戈兵亦取黃鉞之象則虞亦作齊斧又巽卦上九引荀曰軍罷師旋亦告於廟還斧於君故喪資斧正如其故不知臣節則凶故曰喪其資斧貞凶荀此注正同齊戒入廟之義則荀亦作齊斧李氏並据王弼本改之也

巽 說文五篇上聃巽也从𠂔从顛此易轉卦爲長女爲風者喪其資斧 漢書敘傳顏師古注引易作喪其齊斧

兌麗澤兌 音義麗連也鄭作離云猶併也

漢用拯馬壯吉 音義拯馬云舉也伏曼容云濟也王肅云拔也子夏作拊拊取也 按子夏亦與說文所引同

渙有匪夷所思 音義有匪姚作有近匪夷荀作匪弟

中孚豚魚吉 音義豚黃作遞

吾與爾靡之 音義靡本又作靡同亡池反散也干同徐又武

寄反又忘彼反韓詩云其也孟同埤蒼作靡云散也陸作縻

京作劓 按靡靡縻劓文異而義可通

月幾望 音義幾京作近荀作既

小過已上也 音義上鄭作尙云庶幾也

既濟婦喪其茀 音義茀首飾也馬同干云馬髯也鄭云車蔽

也子夏作髥荀作紱董作髥 按集解引虞曰髥髮謂髥髮也一名婦人之首飾也又曰髥或作莠俗說以莠爲婦人蔽膝之莠非也据此知虞亦作髥紱是俗字

憊也 音義憊陸作憊云當爲憊憊困劣也

縞有衣襖 音義縞而朱反鄭王肅云音須子夏作縞王廙同

薛云古文作縞襖女居反絲襖也王肅音如說文作縞本作縞

說文改云縞也廣雅云縞塞也子夏作茹京作縞 按說文十

二篇上縞繪采也从糸需聲讀若易縞有衣又縞縞縞也一

曰縞縞从糸奴聲易曰需有衣縞今校說文縞下引易之縞

有衣當作需有衣縞蓋讀若不當用本字需當是博士所傳

之本後謂之寫說文者既誤需爲縞又脫縞字其縞下引易

爲古文易則需當作綯合於薛虞所見之古文又說文無裊
字八篇上袈敝衣也今本作袈从衣奴聲金壇段氏謂裊袈
皆袈之誤字

繫辭上剛柔相摩 音義摩本又作磨末何反京云相磴切也
馬云摩切也 按說文無磨字九篇下云礪石磴也从石靡
聲模臥切又礪礪也从石豈聲五對切則京氏馬氏之易皆當作
礪俗省作磨

八卦相盪 音義盪眾家作蕩王肅音唐黨反馬云除也桓云
動也唯韓云相推盪 按當時以韓伯注續王弼易注故音
義繫辭以下皆用韓本据此知眾家作蕩唯韓作盪說文無
蕩盪字詩陳風子之湯兮傳湯蕩也箋云游蕩無所不爲音

義湯他郎反舊他浪反則蕩盪皆當作湯而讀去聲隸書始有蕩字故眾家皆作蕩

鼓之以雷霆 音義霆蜀才云疑爲電 按霆電聲之轉

日月運行 音義運行姚作違行

坤作成物 音義坤作虞姚作坤化姚云化當爲作

而成位乎其中 音義馬王肅作而易成位乎其中

繫辭焉而明吉凶 音義虞本更有悔吝二字

剛柔者晝夜之象 音義虞作晝夜者剛柔之象

易之序也 音義序陸云序象也虞本作象

所樂而玩者 音義所樂虞本作所變玩鄭作翫 按集解引

虞曰變舊作樂字之誤可證變字爲虞所改說文一篇上玩

弄也从玉元聲又四篇上翫習厭也从習元聲春秋傳曰翫
歲而惕日集解引虞曰玩弄也則虞本作玩鄭作翫取翫習
之義

原始反終 音義反終鄭虞作及終

而道濟天下 音義鄭云道當作導

旁行而不流 音義流京作留

樂天知命 音義樂天虞作變天

範圍天地之化 音義鄭云範法也馬王肅張作犯連張云犯

連猶裁成也 按犯連是段藉字

故君子之道鮮矣 音義鮮鄭作尠馬鄭王肅云少也 按說

文二篇下尠是少也尠俱存也从是少賈侍中說又漢書鮮

作𦣻者𦣻之誤

藏諸用 音義藏鄭作臧云善也 按說文無藏字通作臧

成象之謂乾 音義成象蜀才作盛象

效法之謂坤 音義本效作爻爻法胡孝反馬韓如字云效也

蜀才作效 按集解本亦作爻注云爻猶效也

其靜也專 音義專陸作埶音同 按說文無埶字餘姚盧學

士攷證曰左氏昭廿年傳琴瑟之事壹亦作埶史記始皇紀

埶心壹志皆與專同則埶字當改埶

知崇禮卑 音義禮蜀才作體

見天下之賾 音義賾九家作𦣻京作𦣻云情也 按說文無

賾字當以𦣻爲正

以行其典禮 音義典禮京作等禮姚作典禮

言天下之至賾而不可解也 音義惡於嫌反荀作亞亞次也

又馬路反馬路路反讀通 據尚書大傳王升舟入水鼓

鍾惡親臺惡將好惡宗廟惡鄭注惡讀爲亞亞次也荀作亞

當是荀所讀也

言天下之至動而不可亂也 音義厭家本並然鄭本作至賾

云賾當爲動九家亦作罔 按說文解字敘云知天下之至

賾而不可亂也亦作賾

議之而後動 音義議之陸姚桓元荀柔之作儀之

吾與爾靡之 音義靡之本又作原 今本靡靡互 京作蔚

慎斯術也以往 音義慎鄭干同一本作順

有功而不德

音義德鄭陸蜀才作置鄭云置當爲德

則言語以爲階

音義階姚作機

作易者其知盜乎

音義爲易

本本又云作易

鄭集解引虞

注亦作爲易

易曰負且乘致寇至

音義寇徐或作戎宋衷云戎誤

慢藏誨盜冶容誨淫

音義誨教也虞作悔謂悔恨冶鄭陸虞

姚王肅作野言妖野容儀教誨淫佚也王肅云作野音也

按集解引虞注作誨此据韓康伯本改非也後漢崔駰傳注

引易冶容誨淫鄭元曰飾其容而見於外曰冶

當作野對向列

女傳齊孝孟姬言野處則帷裳掩蔽故容見於外謂之野容

黃再劫而後掛

音義掛京作卦云再劫而後布卦

按說文

十二篇上劫易筮再劫而後卦說文無掛字有挂字

天數二十有五地數三十 按唐石經二十三作廿卅後萬

有一千五百二十亦作廿

引而伸之 音義伸本又作信音身 按禮記儒行竟信其志

鄭注信讀如屈伸之伸假借字也信或爲申集解引虞曰引

謂施橫引信三才又曰故引而信之則作信是虞本

可與酬酢 音義酢京作醋 按說文十四篇下酬主人進客

也从酉酉聲重文酬酢或从州酬客酌主人也从酉音慶各

切鉉曰今俗 酢醖也从酉乍聲 俗作在各切 古音音和同

部醕酢可通用然醕酢之醕當作醕爲正

可與祐神矣 音義祐荀作脩

易有聖人之道 音義明僧紹作君子之道

其受命也如博 音義博又作鑿 按集解引虞注作鑿說文

無衛字隸書有之

遂成天地之文 音義天地之文一本作天下虞陸本作之又

極深而研幾也 音義研劫才作擊幾本或作機鄭云機當作

幾幾微也

夫易何爲者也 集解本作夫易何爲而作

夫易開物成務 音義開王肅作闢一本無夫易二字

圓而神 音義圓本又作員 按圖作員是段藉

易以貢 音義貢京陸虞作工荀作功

聖人以此洗心 音義洗京荀虞董張蜀才作先石經同 按

石經謂漢熹平石經

知以藏往 音義藏劉作威善也

探賾索隱 音義賾九家作𦵏 按說文解字經義探賾索隱

賾作賾

莫大乎蓍龜 莫大音義本作莫善本亦作莫大

又以尙賢也 音義又以鄭本作有以

繫辭下繫辭焉而命之 音義命孟作明

吉凶者貞勝者也 音義貞勝姚本作貞稱

確然示人異矣 說文五篇下崔高至也从隹上欲出口易曰

夫乾崔然 按確以崔爲正

賾然示人簡矣 音義賾孟作退陸董姚作安 按說文無安

字當段綏爲之

聖人之大寶曰位 音義寶孟作保

何以守位曰仁 仁音義本作人曰人王肅卞伯玉桓元明僧
紹作仁 按此則漢易皆作人也文選張平子東京賦守位
以人不恃隘害李善本作仁注云綜作人又薛綜注曰人謂
取庶也隘險也言要須擢任賢臣不以要害爲牢固集解宋
衷曰守位當得士大夫公侯有其人賢兼濟天下又泰卦虞
注守位以人聚人以財皆此義

古者庖犧氏 庖音義本作包本又作庖曰包鄭云取也孟京
作伏犧字又作義鄭云鳥獸全具曰犧孟京作戲云伏服也
戲化也

作結繩而爲網罟

音義爲罟

無網字

馬姚云猶網也

據此知漢魏易無網

字黃本作爲网罟云取獸曰网取魚曰罟

以佃以漁

音義佃本亦作田漁本亦作魚

服牛乘馬

說文二篇上犗易曰犗牛乘馬从牛荀聲

平記切

按服犗古音同部段藉當以犗爲正

重門擊柝

音義柝馬云兩木相擊以行夜說文作櫟

按說

文六篇上櫟夜行

當作行夜

所擊者从木橐聲易曰重門擊櫟又

櫟判也从木所聲易曰重門擊櫟蓋易文有異櫟是正字櫟

是段藉故說文兩存之

以待暴客

音義暴鄭作諫

按說文無諫字周禮有之蓋暴

字之古文漢藝文志史籀十五篇周宣王太史作大篆十五

篇建武時以六篇則許所不載者皆在公篇中也

象也音像也 音義原本重云像擬也孟京虞董姚還作象

易曰鼎折足覆公餗 音義餗馬作病 按下經鼎九四鼎折

足覆公餗音義引馬云餗也是馬本訓餗為粥說文三篇下

鬻鬻也从鬻侃聲重文餗或从食建聲又鬻餗也从鬻米聲

武悲切鉉曰今俗作粥音之六切又鬻鼎實惟葦及蒲陳留謂餗為鬻从鬻

速聲重文餗或从食東聲則餗餗皆訓為粥作粥者馬所

讀也

易曰介于石 音義介徐音戒原家作砒通志堂本作介徐云王虞古

點反 按辯見前

天地網緇 音義網本又作餌緇本又作蠶 按說文十篇下

壹壹壹也从凶从壺不得泄凶也易曰天地壹壹於云則當

以壹壹爲正氣風俗字

雜而不越 說文下篇下越踰也从辵成聲易曰雜而不越

因貳以濟民行 音義貳鄭云當爲式

損德之脩也 音義脩鄭云治也馬作循

雜物撰德 音義撰鄭作算數也 按說文無撰字當通作選

論語何足算也漢書作何足選也則算亦通選

說卦參天兩地 說文七篇下兩再也从門闕得故闕疑也易

曰參天兩地

而倚數 音義倚蜀才作奇

日以烜之 烜音義本作暄曰京云乾也本又作暄徐音古鄧

反 按說文無𤇗字況恆久之恆爲从舟之互烜乾之烜爲从回之𠂔形聲俱不近不可信也

妙萬物 音義妙王肅作眇音妙董云眇成也

莫煖乎火 音義煖徐本作暎說文同 按說文七篇上暎乾也耕暴田曰𤇗从日莖聲易曰燥萬物者莫暎乎離

坎爲豕 音義豕京作𪚩

爲瘠馬 音義瘠京荀作柴云多筋幹

爲吝嗇 音義吝京作遴

爲大輿 晉語韋昭注易坤爲大車

震爲雷爲龍 音義龍虞干作駹虞云蒼色干云雜色 按集

解本作爲駹引虞曰駹蒼色震東方故爲駹舊讀作龍上己

爲龍非

漢上易傳引此作鄭注誤

爲專

音義專王肅音字干云花

花俗字依說文當爲等亦通花

之通名鋪爲

花貌謂之敷本又作專如字虔同姚云專一也鄭市戀反

按說文三篇下專

楷隸作專

布也从寸甫聲又敷鼓也从攴專聲

一切經音義

卷二

云敷古文作專則古文卽以專爲敷說文無

敷字一篇下云傳華葉布从艸傳聲讀若傳則傳卽敷之正

字鄭虔並作專當是孟氏古文延篤始讀爲專而蕭因之故

集解引虞曰陽在初

虞

聲靜未出爲坤故專則乾靜也專延

叔堅說以專爲專大布非也鄭音市戀反當讀爲擅義則同

也

爲蒼筤竹

音義簣或作琅通

按說文無簣字當以琅爲正

爲菴葦 按唐石經菴作菴非

爲鼻足 音義鼻京作朱苟同陽在下

爲的顙 音義的說文作昀 按的當依說文从日作的說文
七篇上的明也从日勺聲易曰爲的顙明有白義集解引虞
義的白顙頰也震體頭在口上白故的顙詩有馬白顙是也
虞傳孟氏古文作的者古文易也說文十篇上昀屬白顙也
从馬的省聲易曰爲昀顙作昀者博士易也說文用存之故
所引異

爲反生 音義反生腐豆之屬反生戴季甲而出也誤作阪爲
陵阪也陸云阪當爲反 按集解引宋衷注漢上易傳用
注俱作反生反與阪古當通用故補阪亦作補反也

爲寡髮 音義寡本又作宜黑白雜爲宣髮 按集解引虞曰

爲白故宜髮馬君以宜爲寡髮非也又考工記車人半矩謂

之宜注頭髮皓白曰宣易巽爲宣髮疏曰按說卦云其於人

爲宣髮注宣髮取四月靡草死髮在人體猶靡草在地今易

文不作宣作寡者謂當時所行蓋宣寡義得兩通故鄭爲宣

不作寡也宋本周禮注疏宣字俱刻改以此知鄭虞皆作宣

髮

爲廣顙 音義廣鄭作黃

爲矯輳 音義矯紀表反一本作橋同輳如九反馬鄭陸王肅

本作此此指宋衷王虞作揉宋云使曲者直直者曲爲揉京

作柔荀作橈 按說文無輳揉字當段柔爲之

爲弓輪 音義輪姚作倫

爲亟心 音義亟荀作極云中也

爲乾卦 音義鄭云乾當爲幹陽在外能幹正也重作幹

爲羸 音義羸京作螺姚作蠶 按羸蠶聲轉相通說文無螺字

科上稿 音義科空也虞作折稿鄭作桑干作稿

爲果蓏 音義果蓏京本作果墜之字

爲狗 狗集解本作拘引虞曰指屈伸制物故爲拘拘舊作狗
上已爲狗字之誤

爲黔喙 音義黔鄭作黠爲虎豹之屬貪冒之類

爲堅多節 音義一本無堅字 按虞注亦無堅字

爲羊 音義羊虞作羔 按集解本亦作羔引虞義曰羔女使
皆取位賤故爲羔舊讀以震駝爲龍艮拘爲狗兌羔爲羊皆
已見上此爲再出非孔子意也 音義又曰此六子依求

索而爲次第也本亦有以三男居前三女後荀爽九家集解
本乾後更有四爲龍爲直爲衣爲言𠄎後有八爲牝爲迷爲
方爲囊爲裳爲黃爲帛爲漿震後有三爲王爲鵠爲鼓巽後
有二爲楊爲鶴坎後有八爲宮爲律爲可爲棟爲叢棘爲狐
爲蒺藜爲桎梏離後有一爲牝牛艮後有三爲鼻爲虎爲狐
兌後有二爲常爲輔頰注云常西方神也 不同故記之於此
按易以八卦分陰陽以七九爲陽爻八六爲陰爻以成六
十四卦陰陽之氣無可見故取於仰觀俯察以成卦爻之辭

辭之取象必本於陰陽之氣既見其文於說卦荀九家之逸文及虞氏所增之象皆古文家所傳說易者當以是求之

序卦

必反其家 按唐石經本李氏集解本其皆作於

決必有遇 按唐石經及宋本注疏同今本衍所字

雜卦

謙輕而豫怠也 音義怠京作治虞作怡 按集解引虞

義豫薦樂祖考故怡怡或言怠也

蠱則飭也 音義飭鄭本王肅作飾 按集解引虞注作飾唐

石經亦作飾

大有眾也 音義眾荀作終

豐多故也親寡旅也 音義豐多故

補也

風家以此絕句親寡

旅也荀本豐多故親絕句寡旅也別爲句

皇清經解續編卷三百八十三終

仁和葉維幹
瑛校

皇清經解續編

周易攷異二

素